

Josefina Cavegn-Schmid, Sedrun, 1908-1997



Ella biala vegliedetgna dad 89 onns ha ella bandunau ils ses en tutta tgeuadad ils 30 da matg 1997. Josefina Cavegn ei naschida per il di da s.Giusep, ils 19 da mars 1908 a Sedrun. Ses geniturs ein stai Heinric Schmid e Maria Barla naschida Schmid. A Sedrun ha ella passentau ina emperneivla affonza ensemen cun ses sis fargliuns. Suenter las usitadas scolas communalas ha ella stuiu serender egl jester e leu gudignar il paun da mintgadi. Quei fuva da lezs onns il destin da bia giuentetgna. A Surrein-Sumvitg ha ella fatg duront in onn igl emprendissadi da cusunza. Suenter ha ella luvrau sco tgirunza gidontra el spital Fontana a Cuera; lu el tenercasa tier ina famiglia a Wädenswil e lu aunc fatg sesiun ella Val Sumvitg ch'era da lezzas uras aunc in liug da cura da bogns.

Suenter entgins onns egl jester ha ella stuiu turnar a casa e tgirar la mumma malsauna. Suenter la mort dalla mumma Maria Barla ella vegliadetgna da mo 49 onns ha ella sco feglia veglia giu quitau dil bab e dils fargliuns e menau il percasa.

Igl onn 1940 marida ella Tumaisch Cavegn da Sedrun. La famiglia crescha a tschun dels; dus buobs ed ina buoba ein la ventira dils geniturs; ina ventira ch'els tgiran cun bia quitau e carezia.

Cruschs ha la Josefina era giu da purtar. Quellas ein segiramein stadas la mort prematura da sia mumma, la mort dil bab ella veglaidetgna da 64 onns e la mort dil carezau mariu igl onn 1976.

Ina ferma cardientscha a gidau a purtar quellas cruschs. Schiglioc ei la Jsoefina stada ina dunna tgeua, da siu fatg, ina buna mumma e femna da casa plis ses. Avon dus onns eis ella serendida en Casa s.Vigeli; quei ch'ei stau per ella buca in lev pass. Muort la ruttadira d'in calun ha ella stuiu serender el spital. Silsuenter ha in malcostas menau la Josefina alla mort - il Segner ha clamau. Ils dus da zercladur accumpognan ils ses, vischins e vischinias la Josefina sin santeri. La pasch celestiale giavischein nus ad ella!